

Bosna i Hercegovina
Federacija Bosne i Hercegovine
Kanton Središnja Bosna/
Srednjobosanski kanton
Općina Kiseljak
Načelnik općine

Broj:01-04-108/25
Kiseljak, 10.01.2025. godine

Na temelju članka 15. Zakona o načelima lokalne samouprave u F BiH ("Sl. novine F BiH" broj: 49/06 i 51/09), članka 39. Statuta Općine Kiseljak ("Sl. glasnik Općine Kiseljak" broj: 3/09), Odluke o usvajanju programa pomoći poslovnim subjektima za saniranje posljedica poplava na području općine Kiseljak broj: 01/1-40-5632/24 od 06.12.2024. godine ("Sl. glasnik Općine Kiseljak" broj: 7/2024), te na temelju Izvješća o procijenjenoj šteti broj: 01-04-4225/24 od 13.12.2024. godine i Ugovora o dodjeli sredstava za pomoć poplavama ugroženim područjima u Federaciji BiH zaključenom između Federalnog ministarstva razvoja, poduzetništva i obrta i Općine Kiseljak broj: 01-04-5411/24 od 20.11.2024. godine, Načelnik Općine Kiseljak objavljuje:

**Javni poziv
za podnošenje prijava za pomoć poslovnim subjektima za saniranje posljedica od
poplava za područje općine Kiseljak**

I

Javni poziv se odnosi na dodjelu finansijskih sredstava poslovnim subjektima za saniranje posljedica od poplava za područje općine Kiseljak.

II

1. Na Javni poziv mogu se prijaviti samo poslovni subjekti sa sjedištem poslovanja ili izdvojenom poslovnom jedinicom u općini Kiseljak, a koji ispunjavaju sljedeće uvjete:
 - da su pretrpjeli direktnu štetu od poplava i
 - da imaju sjedište poslovanja ili izdvojenu poslovnu jedinicu u Kiseljaku.
2. Na Javni poziv ne mogu se prijaviti:
 - javna poduzeća, javne ustanove, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, poslovni subjekti čiji su žiro računi blokirani i poslovni subjekti čija šifra osnovne djelatnosti obuhvata poljoprivredu, te
 - poslovni subjekti koji nisu izmirili obveze po osnovu javnih prihoda ili nemaju potpisan sporazum o odgodi plaćanja (PDV-a, doprinosa za PIO/MIO i zdravstveno osiguranje i osiguranje od neuposlenosti zaključno s 31.8.2024. godine).

III

Ukupan iznos finansijskih sredstava za realizaciju Javnog poziva je 500.000,00 KM.

IV

NAMJENA dodijeljenih sredstava:

1. Prihvatljivim će se smatrati sljedeći troškovi:
 - troškovi za nabavu mašina i opreme,
 - troškovi za popravku mašina i opreme,
 - troškovi za nabavu sirovina i repromaterijala za normalno obavljanje djelatnosti,
 - troškovi za nabavu građevinskog materijala, te
 - troškovi na sanaciji objekata.
2. Neprihvatljivim će se smatrati troškovi nastali prije dana nastanka poplava (prije 04.10.2024. godine).

V

KRITERIJ za ocjenu pristiglih prijava:

- Visina iznosa pretrpljene štete, odnosno konačno izvješće o nastaloj šteti koje će Povjerenstvo zatražiti od Povjerenstva za procjenu šteta na području općine Kiseljak.

VI

Potrebna dokumentacija i način prijave:

1. Poslovni subjekti obvezni su dostaviti sljedeću dokumentaciju:
 - rješenje iz sudskog registra, a ostali poslovni subjekti rješenje o registraciji izdato od strane nadležne općinske službe,
 - uvjerenje nadležnih institucija o redovitom izmirenju obveza po osnovu javnih prihoda ili potpisan sporazum o odgodi plaćanja (PDV-a, doprinosa za PIO/MIO, zdravstveno osiguranje i osiguranje od neuposlenosti),
 - listu osiguranih osoba izdanu od strane Porezne uprave Federacije BiH, te
 - potpisanu i ovjerenu Izjavu o namjenskom korištenju sredstava koja se nalazi u prilogu ovog Javnog poziva.

Prijave koje ne sadrže svu potrebnu dokumentaciju navedenu u Javnom pozivu biti će odbačene i neće biti predmet daljnjeg razmatranja Povjerenstva. Sva priložena dokumentacija mora biti izdana od strane nadležnih sudskih ili upravnih organa u F BiH. Dokumentacija ne smije biti starija od 3 mjeseca od dana objavljivanja ovog Javnog poziva.

2. Prijave se podnose na Obrascu koji je priložen uz ovaj Javni poziv, a može se preuzeti i osobno na Porti Općine Kiseljak (uz popunjenu priloženu Izjavu).

Prijave se podnose putem pošte na adresu: Općina Kiseljak, Bana Josipa Jelačića 41, 71 250 Kiseljak ili osobno na Pisarnicu Općine Kiseljak, s naznakom "Prijava na Javni poziv za podnošenje prijava za pomoć poslovnim subjektima za saniranje posljedica od poplava za područje općine Kiseljak".

3. Prijave će razmatrati članovi Povjerenstva koje imenuje općinski Načelnik.

VII

Javni poziv biti će objavljen na web stranici, te na Oglasnoj ploči Općine Kiseljak. Krajnji rok za podnošenje prijava je 31.01.2025. godine.

Dostaviti:

- Oglasna ploča
- Web stranica Općina
- Evidencija
- a/a

